

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA
E A ASOCIACIÓN XUVENTUDES MUSICAIS EIXO ATLÁNTICO PARA DESENVOLVER O
CONCERTO DE JORGE DE PALMA E A ORQUESTRA TRANSFRONTEIRIZA, O 19 DE
XULLO DE 2024.

DOCUMENTO ASINADO ELECTRONICAMENTE POR:

**CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA
E A ASOCIACIÓN XUVENTUDES MUSICAIS EIXO ATLÁNTICO PARA DESENVOLVER O
CONCERTO DE JORGE DE PALMA E A ORQUESTRA TRANSFRONTEIRIZA, O 19 DE
XULLO DE 2024.**

No Pazo Provincial, na data da sinatura electrónica

INTERVEÑEN

Dunha parte, Luis López Diéguez, na súa condición de presidente da Deputación Provincial de Pontevedra, actuando en virtude das competencias que se lle atribúen no artigo 34 da Lei 7/1985, de 2 de abril, reguladora das bases do réxime local, e no artigo 105 da Lei 5/1997, de 22 de xullo, de Administración local de Galicia.

Da outra, Dona Andrea González Pérez, na súa condición de Presidenta de Xuventudes Musicais Eixo Atlántico (en adiante XM Eixo Atlántico), en nome e representación da entidade, con CIF nº G94.076.437, e domicilio a efectos de notificación electrónica director@ikfem.com, inscrita co nº: 2012-16980-1 no Rexistro Provincial de Asociacións de Pontevedra.

E Carlos Cuadrado Romay, actuando en calidade de secretario xeral da Deputación Provincial de Pontevedra, dando fe do acto que se celebra.

Ambas as dúas partes recoñécense con capacidade para a formalización deste convenio en base aos principios de colaboración, cooperación, coordinación e eficacia que deben presidir as actuacións das administracións públicas; e para estes efectos, de común acordo,

EXPOÑEN

I. Os convenios das administracións públicas constitúen o instrumento adecuado para desenvolver a súa cooperación en cuestións de interese común, tal e como se establecen nos artigos 47 e seguintes da Lei 40/2015, de 1 de outubro, de réxime xurídico do sector público; no artigo 57 da Lei 7/85, de 2 de abril, reguladora das bases do réxime local e nos artigos 198 e seguintes da Lei 5/97, de 22 de xullo, de Administración local de Galicia.



II.- O artigo 25.1 da Lei 7/1985, do 2 de abril, reguladora das bases do réxime local, dispón que o Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo.

III. Pola súa parte, no artigo 36.1.d da Lei 7/1985, de 2 de abril, reguladora das bases do réxime local, se lle atribúe ás deputacións competencias no fomento do desenvolvemento económico e social e na planificación do territorio.

IV. XM Eixo Atlántico é unha asociación sen ánimo de lucro que é a titular e organizadora do International Keyboard Festival & Masterclass (IKFEM), festival que ten coma obxectivo o fomento das culturas española e portuguesa, en especial a musical, mediante actividades de divulgación e formación que se realizan principalmente na Eurocidade Tui-Valença.

XM Eixo Atlántico busca promover a diversidade cultural e o fortalecemento dos lazos transfronteirizos entre Galicia e o norte de Portugal, mediante o fomento da colaboración entre artista galegos e portugueses, así como enriquecer a vida cultural da rexión e fomentar a comprensión mutua entre as comunidades de ambos países.

Entre os obxectivos deste tipo de actuacións está tamén o de impulsar o turismo cultural, conseguindo atraer visitantes nacionais e internacionais o territorio do Río Miño, e deste xeito valorizando o patrimonio histórico e natural da rexión.

V. As actuacións obxecto deste convenio implican contar coa participación especial do renomeado artista de rock por excelencia de Portugal, Jorge de Palma, esperándose unha gran asistencia e enmarcándose dentro das actividades de cooperación cultural transfronteiriza do IKFEM Festival 2024. Así mesmo, participarán músicos dos 26 municipios (16 da provincia de Pontevedra e 10 portugueses) na "Orquestra Transfronteiriza" que conforman o territorio transfronteirizo do Rio Minho. Esta orquestra constituirase a través dunha convocatoria participativa que principalmente estará destinada a músicos mozos dos conservatorios, bandas e escolas de música dos 26 municipios tendo en conta a importante canteira de músicos e entidades musicais do territorio. A convocatoria incluírá criterios de selección para crear unha orquestra con calidade artística.



VI. Os obxectivos deste convenio son: Promover a cultura transfronteiriza a través da música, destacando a colaboración e o talento conxunto dos músicos do río Miño e potenciar o turismo cultural na rexións transfronteiriza do Río Miño, atraendo visitantes e medios de comunicación a un dos festivais máis emblemáticos na súa duodécima edición do Festival IKFEM 2024.

Neste marco de colaboración, encádrase a proposta deste convenio entre a Deputación de Pontevedra e XM Eixo Atlántico. Polo cal,

ACORDAN:

Primeiro. Obxecto da colaboración

É obxecto deste convenio establecer e concretar o réxime de colaboración entre a Deputación e Pontevedra e a asociación Xuventudes Musicais Eixo Atlántico para “desenvolver o concerto de Jorge de Palma e a Orquestra Transfronteiriza”. Está acción concretarase na realización dun concerto sinfónico no que participará a Orquestra Transfronteiriza do Río Miño e o artista portugués Jorge Palma o 19 de xullo de 2024.

A Orquestra constituirase mediante unha convocatoria participativa destinada a músicos novos de bandas e escolas de música dos 26 municipios galegos e portugueses que forman parte da área transfronteiriza do Río Miño. Son os concellos galegos de: A Guarda, O Rosal, Oia, Tomiño, Tui, Salvaterra de Miño, Salceda de Caselas, Pontearreas, Covelo, A Cañiza, Porriño, Mondariz, Mondariz Balneario, As Neves, Arbo, e Crecente, e os Cámaras Portuguesas de Caminha, Paredes de Coura, Arcos de Valdevez, Ponte da Barca, Ponte da Lima, Viana do Castelo, Vilanova de Cerveira, Valença, Monção e Melgaço. En su conxunto suman 3.312 kilómetros cuadrados de territorio e 375.995 habitantes.

A convocatoria e a selección dos membros da orquestra será realizada por Xuventudes Musicais Eixo Atlántico.. A convocatoria incluírá criterios de selección para crear unha orquestra de calidade artística. Nas semanas anteriores á realización do concerto organizaranse varios encontros de ensaios que se complementarán con actividades lúdicas nas que poderán participar os integrantes da Orquestra e as súas familias.



O concerto final do 19 de xullo en Valença englobarase no IKFEM 2024 e realizarase nun escenario de gran formato, con amplificación e iluminación. Debido a presenza do artista portugués Jorge Palma, esperase un gran impacto mediático e alta participación de público.

Previo á realización do concerto, realizarase un cóctel previo con representantes dos concellos galegos e cámaras portuguesas, que permita o intercambio de impresións sobre a experiencia conxunta que se busca neste evento.

Segundo.- Financiamento do convenio

1. As actividades programadas que XM Eixo Atlántico e a Deputación levarán a cabo teñen un orzamento total de **30.000,00 €** (TRINTA MIL EUROS).
2. As actuacións ás que se refire este convenio serán financiadas pola Deputación Provincial, que se obriga a sufragar o seu custe ata a cantidade máxima de **30.000,00 €**, consonte a seguinte distribución:

| | Anualidade | Total |
|---------------------------------|-------------------|--------------|
| Deputación de Pontevedra | 2024 | 30.000,00 € |

3. O pago realizarase contra a aplicación 24/942.9431.489.01 "A *Entidades sen fins de lucro, cooperación transfronteiriza*", na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

No caso de que a actuación teña un custo inferior ao inicialmente previsto, e sempre que isto non supoña unha execución deficiente da totalidade da actuación, o financiamento reducirase proporcionalmente.

4. As achegas realizadas para a realización destas actividades son compatibles coa percepción doutras subvencións ou axudas, públicas ou privadas, que as entidades signatarias obteñan para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

Terceira.- Execución do convenio

1. A execución do convenio e o seu financiamento pola Deputación Provincial, terá lugar coar desagregación que se establece no anexo I deste convenio.



2. A Deputación de Pontevedra poderá inspeccionar as actuacións obxecto deste convenio cando o teña por conveniente, así como formular as observacións que estime pertinentes.

3. A achega farase efectiva mediante transferencia bancaria que será liberada contra a presentación das correspondentes facturas ou documentos análogos acreditativos do gasto efectuado, así como da restante documentación xustificativa necesaria e logo da súa fiscalización pola Intervención Provincial, e na parte proporcional do financiamento.

Cuarto.- Compromisos da Deputación

A Deputación de Pontevedra comprométese a:

- Financiar os costes derivados do convenio, ata a cantidade máxima de **30.000,00 €** (TRINTA MIL EUROS), de conformidade co disposto no anexo I, que será liberada contra a presentación das correspondentes facturas ou documentos análogos acreditativos do gasto efectuado, na parte proporcional do financiamento.
- Divulgar a través da web da Deputación o evento obxecto do convenio.
- Prestar a colaboración e facilitar tanta documentación lle sexa requirida no exercicio das funcións de fiscalización e control do destino das a acudas que lla corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de 1 de outubro, de réxime xurídico do sector público, e da Resolución Presidencial número 2017008767 de 8 de maio de 2017, tratándose asemade dun convenio cuxas achegas económicas non exceden de 600.000 euros.

Quinto.- Compromisos de Xuventudes Musicais Eixo Atlántico

1. XM Eixo Atlántico encargárase de organización de todas as actividades: ensaios, actividades lúdicas, concerto final, roldas de prensa, selección de músicos novos, contratación de profesores e dirección de orquestra para os ensaios e concerto, coordinación coas escolas de música, contratación da infraestrutura técnica e de produción (escenario, iluminación, son), contratación dun catering para os músicos da orquestra, realización dun cóctel para os/as representantes políticos/as dos municipios participantes e divulgacións das actividades.

Correspóndelle á entidade o outorgamento dos contratos de subministro, servizos e asistencia para a completa realización das actividades programadas.



2. XM Eixo Atlántico responsabilizarase da organización integral do programa así como de dispoñer dos espazos e de solicitar, de ser o caso, os permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
3. A entidade realizará unha rolda de prensa para presentar o proxecto e fortalecer a visibilidade e repercusión da acción de cara aos medios locais.
4. Someterse ás actuacións de comprobación, que leve a cabo o órgano concedente ou entidade colaboradora, no seu caso, así como calquera outras de comprobación e control financeiro que poidan realizar os órganos de control competentes, tanto nacionais coma comunitarios, e achegar canta información lle sexa requirida no exercicio das actuacións anteriores.
5. Facilitar toda a información que lle sexa requirida pola Intervención Xeral da Deputación de Pontevedra, no exercicio das súas funcións de fiscalización e control do destino das axudas.
6. Cumprir cos demais supostos previstos neste convenio ou calquera outra obriga prevista no artigo 14 da Lei 38/2003, de 17 de novembro, xeral de subvencións.

Sexto.- Publicidade do financiamento provincial

1. A acción obxecto de subvención deberá garantir un alto impacto e visibilidade da colaboración entre a Deputación de Pontevedra e XM Eixo Atlántico.
2. XM Eixo Atlántico fará constar de forma expresa o patrocinio da Deputación nos documentos e informes que se redacten, nas entrevistas e encontros que se celebren e nas publicacións divulgativas que se deriven das mesmas, así como na publicidade (web, RRSS) que con tal motivo se faga.
3. Coa conta xustificativa achegaranse documentos que acrediten o cumprimento desta obriga da entidade beneficiaria.

Sétimo.- Incorporación ao rexistro público de subvencións e publicación da subvención concedida

1. En aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, deberáselle de dar publicidade á subvención outorgada neste convenio, nos termos e condicións establecidos na dita lei. Por outra banda,



consonte co disposto no artigo 20 da Lei 38/2003, de 17 de novembro, Xeral de Subvencións, remitirase a Base de Datos Nacional de Subvencións a información correspondente á achega económica outorgada, nos termos establecidos na citada norma.

2. Asemade, no cumprimento do disposto no artigo 16.3 da Lei 9/2007, do 13 de xuño, de subvencións de Galicia, a Deputación remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

3. Segundo o disposto no artigo 18 da Lei 38/2003, do 17 de novembro, Xeral de subvencións, a concesión da subvención á XM Eixo Atlántico será publicada no Boletín Oficial da Provincia de Pontevedra e na páxina Web da Deputación (<http://www.depo.gal/>).

4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

Oitavo.- Compatibilidade con outras subvencións

1. Conforme ao disposto no artigo 40.1º, letra d) do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

2. Porén o importe da subvención en ningún caso poderá ser da tal contía que, illadamente ou en concorrencia con outras subvencións, axudas, ingresos ou recursos, supere o custo total da actividade subvencionada.

Noveno.- Pagamento e xustificación da subvención

A documentación xustificativa a presentar por Xuventudes Musicais Eixo Atlántico, previa á realización do pago final, será a seguinte:

- Conta xustificativa que relacione os gastos e os ingresos da actividade subvencionada;
- Facturas ou documentos análogos acreditativos do gasto efectuado;



- Na xustificación de ingresos, relacionaranse outras axudas concedidas para a mesma finalidade, así como os importes correspondentes a doazóns, patrocinios e outros ingresos afectados total ou parcialmente á actividade subvencionada;
- Memoria explicativa e detallada das actividades realizadas relacionadas cos gastos da actividade subvencionada, con mención dos resultados obtidos e identificación de asinante;
- Acreditación do cumprimento das obrigas tributarias e sociais.
- Acreditación da difusión dada á colaboración da Deputación no financiamento da actividade;
- Declaración responsable de que os ingresos e gastos que figuran na conta xustificativa se destinaron á actividade obxecto do convenio; dos ingresos obtidos; e de que as subvencións ou axudas obtidas non superan o custe da actividade.
- Declaración das axudas solicitadas ou concedidas para a mesma finalidade procedentes das distintas administracións públicas ou doutros entes públicos ou privados, na que se indicará de ser o caso, a entidade concedinte, data e importe total concedido.
- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

Tamén se indicarán as desviacións con respecto ao orzamento detallado no anexo I, non podendo ser estas superiores ao **20%** do consignado para ese concepto de gasto no orzamento.

Décimo.- Comisión de Seguimento

1. Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por dous representantes de cada unha das entidades asinantes, un dos cales terá carácter técnico
2. Corresponderá á Comisión de Seguimento, entre outras funcións:
 - A puntual recepción de información sobre todas as actuacións que se produzan na execución dos contratos a que este convenio se refire.
 - Impulsar e avaliar o cumprimento do presente convenio, proponendo as actuacións que se consideren precisas.



- Propoñer a interpretación, en caso de dúbida, do seu contido.
- A coordinación entre as partes asinantes na execución e financiamento do convenio, ditando ao efecto as instrucións oportunas.
- En caso de que xurdiran controversias na aplicación do convenio, propoñer ás partes a resolución das mesmas.
- A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das entidades asinantes.
- A formulación das propostas que procedan en relación ás cuestións a que os seus informes se refiran.

3. A Comisión de Seguimento reunirse cando o estime conveniente o seu responsable, por decisión propia ou a petición de calquera dos seus membros. As súas reunións terán lugar no Pazo Provincial de Pontevedra. Na reunión constituínte da Comisión de Seguimento designarase ao responsable da mesma e ao seu secretario que levantará acta das súas reunións.

Décimo Primeiro.-Vixencia e prazo de xustificación

1. O presente convenio producirá os seus efectos desde a data da súa sinatura ata a total execución das actividades ás que o mesmo se refire, que en todo caso non excederá do 31/07/2024.

2. Unha vez rematadas as actividades, XM Eixo Atlántico deberá presentar a xustificación documental á que se refire a cláusula novena no prazo máximo trinta días contado a partir da finalización daquelas.

3. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento á XM Eixo Atlántico para que á presente no prazo improrrogable de quince días. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá á XM Eixo Atlántico da sanción que, de conformidade co

disposto na Lei de subvencións e na Base 25ª (6º a 7ª) de Execución do Orzamento da Deputación, lle poida corresponder.

4. O aboamento da subvención materializarase mediante ingreso na conta da entidade financeira indicada pola Asociación XM Eixo Atlántico na documentación achegada. E se tiveran transcorrido máis de catro meses desde a axeitada e correcta xustificación dos compromisos adquiridos sen que tivera cobrado o importe que lle corresponda, a Orquestra terá dereito ao aboamento dos xuros de mora, ao tipo de xuro legal, devengados desde a finalización do prazo de catro meses ata o momento no que se faga efectivo o pagamento.

Décimo Segundo.- Extinción do Convenio

1. O convenio extinguirase polo cumprimento das actuacións que constitúen o seu obxecto ou por incorrer en causa de resolución.

2. Serán causas de resolución:

1. O transcurso do prazo máximo de vixencia do convenio.
2. O acordo unánime dos asinantes.
3. O incumprimento das obrigas e compromisos asumidos por parte dalgún dos asinantes
Neste caso, notificarase á parte incumpridora un requirimento para que, no prazo que se sinale, cumpra coas obrigas ou compromisos que se consideran incumpridos. Este requirimento será comunicado tamén ao responsable da Comisión de Seguimento. Se transcorrido o prazo indicado no requirimento persistirá o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.
4. Por decisión xudicial declaratoria da nulidade do convenio
5. Por calquera outra causa distinta das anteriores prevista no convenio ou noutras leis.

Décimo terceiro. Acreditación do cumprimento das obrigas tributarias e coa seguridade social

1. A entidade deberá acreditar, con carácter previo á sinatura deste convenio e logo, con carácter previo ao pagamento da subvención, que se atopa ao día no cumprimento das obrigas

tributarias coa Administración do Estado, coa Comunidade Autónoma e coa Seguridade Social. E para tal fin poderá autorizar á Deputación a que obteña telematicamente os correspondentes certificados.

2. A acreditación do cumprimento das obrigas tributarias coa deputación provincial será realizada de oficio pola Deputación.

Décimo cuarto. Reintegro, infraccións e sancións

1. O incumprimento dalgunha das cláusulas previstas no presente convenio de colaboración poderá levar á obriga de reintegro parcial ou total dos fondos recibidos, así como ao pago dos xuros de mora que se devindiquen desde o día no que se realizou o pagamento ata o momento no que se acorde a procedencia do reintegro.

2. O procedemento de reintegro iniciarase de oficio e na súa tramitación, de conformidade co disposto na Bases de Execución do Orzamento da Deputación, seguirase o disposto nos artigos 36 a 43 da Lei 38/2003, do 17 de novembro, Xeral de subvencións e nos artigos 91 a 101 seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

3. Sen prexuízo do anterior, o devandito incumprimento tamén poderá ser constitutivo dalgunha das infraccións tipificadas na Lei 38/2003, do 17 de novembro, ou na Lei 9/2007, do 13 de xuño, de subvencións de Galicia, séndolle de aplicación o cadro de sancións previstos nas normas citadas.

Décimo quinto.-Natureza, interpretación, modificación e xurisdición competente

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, do 18 de novembro, Xeral de subvencións; na Lei 9/2007, do 13 de xuño, de subvencións de Galicia; a Ordenanza Xeral de Subvencións da Deputación de Pontevedra e as Bases de Execución do orzamento da Deputación de Pontevedra. Supletoriamente aplicarase a lexislación de contratos do sector público.

2. A interpretación das dúbidas e lagoas que poidan xurdir na aplicación do presente convenio corresponderalle á Presidencia da Deputación, logo dos informes previos preceptivos da unidade xestora, da Secretaría e da Intervención provincial.

3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora da dita xurisdición, o coñecemento das cuestións litixiosas que poidan xurdir como consecuencia do presente convenio.

E, en proba de canto antecede, as partes que interveñen asinan o presente convenio, na data da sinatura electrónica.

O Presidente da Deputación de Pontevedra

Presidenta Xuventudes Musicais Eixo Atlántico

Asdo.: Luis López Diéguez

Asdo.: Dona Andrea González Pérez

O Secretario Xeral da Deputación de Pontevedra

Asdo.: Carlos Cuadrado Romay

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A ASOCIACIÓN XUVENTUDES MUSICAIS EIXO ATLÁNTICO PARA DESENVOLVER O CONCERTO DE JORGE DE PALMA E A ORQUESTRA TRANSFRONTEIRIZA, O 19 DE XULLO DE 2024, EN TUI.

ANEXO I

XM Eixo Atlántico encargárase de organización de todas as actividades: ensaios, actividades lúdicas, concerto final, roldas de prensa, selección de músicos novos, contratación de profesores e dirección de orquestra para os ensaios e concerto, coordinación coas escolas de música, contratación dun catering para os músicos da orquestra, realización dun cóctel para representantes das institucións (100 persoas), e divulgacións das actividades.

| CONCEPTO | IMPORTE (con IVE) |
|--|--------------------|
| Producción de residencia artística, actividades lúdicas e concerto. | 6.050,00 € |
| Caché de Jorge Palma | 9.650,00 € |
| Catering, dietas e/ou aloxamento | 2.515,00 € |
| Campaña de comunicación (xestión de medios, audiovisuais, redes sociais,...) | 3.025,00 € |
| Aluguer equipos técnicos de iluminación e sonorización | 7.260,00 € |
| Material impreso e merchandising | 1.500,00 € |
| TOTAL | 30.000,00 € |

Xuventudes Musicais Eixo Atlántico é unha entidade de carácter social exenta de IVE segundo o establecido no artigo 20.3 da Lei 37/1992 e en aplicación do artigo 20.1.14º da Lei do IVE.

